


Mo vukei koya drau vuli me pasitaka na nona veitarogi

DRIVE

E tiko na veitarogi ni draiva e vakatabakidua vei gonevuli, e kena inaki levu me dikevi kina na nona sa kila o gonevuli na lawa ni gaunisala kei na ivakarau donu ni draiva.

Kevaka o qasenivuli ena rairai vinakati mo wilika na veika e okati ena veitarogi mo rawa ni kila kevaka o sa vakavulica na veika kece e gadrevi.

E volai toka e ra e vica na ka ena vinakata o ira na vakaillesilesi ena nodra dikevi ira na gonevuli.



Vakaraica na veika e tu e matana

Ena vinakati vei gonevuli me vakaraica na veika e tu e matana kei na yasana ruarua me raica kina na leqa e rawa ni yaco, wili kina na motoka era kele tu ena yasa ni sala e muria. O ira na draiva vinaka era na vakaraica rawa ena loma ni 12 na sekodi na veika e tu e matadra se wavoliti ira. Ena yaga sara qori vei gonevuli ni na solia vua e levu na gauna me kila na ka me cakava ni basika e dua na ituvaki.



Vakayagataki ni iloilo se rai vakababa

Ena vinakati vei nomu gonevuli me raica wasoma na nona iloilo qai rai tale ga vakababa me raica na veika e tu wavoliti koya se na motoka era tiko, me na raica tale ga ke tiko eso na vanua e tabogo toka kina na icurucuru ni gaunisala me qaqarauni kina. E kena ibalebale qo me na rai ena iloilo qai rai vakababa se rai e muri (ke gadrevi) ni:

- gole ena dua tale na gaunisala
- veisau na gaunisala e muria
- biubiu mai na yasa ni gaunisala se lesu tale me kele e yasa ni sala
- gaunisala cokovata
- kele
- bereki
- draiva vakadodonu (me kila kina na veivolekati ni lori).



Lawa ni gaunisala

O nomu gonevuli me kila na lawa ni gaunisala qai vakamura ena gauna kece e vuli tiko kina.



Veiyawaki ni lori

Ni sa kila rawa na levu ni lori era gole tiko mai me raica o nomu gonevuli na veiyawaki ni lori e veiganiti me curu kina ena dua na gaunisala. Me kakua ni gole ke sa rui voleka mai na lori.



Bereki

O nomu gonevuli me na tabaka ga vakamalua na bereki qai raica me cakacaka vinaka tiko ena duidui ituvaki e basika.



Lewa na totolo

E dodonu vua na nomu gonevuli me draiva ena totolo e veiganiti ena toka e loma lawa ni totolo ni veilakoyaki. Na totolo e veiganiti ena rawa ni berabera toka vakalailai mai na kena e tabaki ena gaunisala e muria, vakabibi kevaka e draki ca toka, sega ni rarama vinaka sara na gaunisala se levu na lori era veitosoyaki. Na ivakarau ni nona draiva me salavata na draki se ituvaki ena gauna ya. Me kakua nira vakelea koso na lori e gaunisala ena dua na gauna.



Sikinala

Ena vinakati vei nomu gonevuli me na sikinala rawa me 3 na sekodi ni bera ni veisautaka na gaunisala e muria. E okati kina na nona biuta e dua na yasa ni gaunisala se na nona vakele lori tale ena yasa ni sala, kona ena dua na sala, muri ena cawiri ni sala, toki na dua tale na gaunisala, se ni bera ni tekivu vakelea na lori e yasa ni sala (parallel park).

Me nanumi: ena cawiri leka ni sala, ena dredre toka mera sikinala me 3 taucoko na sekodi na kena balavu.



Vanua e tiko kina

Na vakamuri ira tiko na vo ni lori ena gaunisala e dodonu vua na nomu gonevuli me toka e na dua na vanua ena sega ni vakaleqai kina qai dodonu vakalawa ena gauna e vakatovolei tiko kina. Ena okati kina na nona digitaka na gaunisala me tiko kina ni draiva tiko se kele, me veirauti na veiyawaki me rauta ni 2 ina 4 na sekodi na veiyawaki me vakatau ena ituvaki, nona pasitaki ira na dauvodo basikeli, pasitaki ni lori era kele tu e gaunisala kei na nona nanumi ira na vo ni lori ena yasa ni gaunisala ni tiko na veiyawaki e veiganiti.